

ODLUKA

**O PRIHVATANJU ZADUŽENJA PO SPORAZUMU O FINANSIRANJU IZMEĐU
BOSNE I HERCEGOVINE I MEĐUNARODNOG FONDA ZA POLJOPRIVREDNI
RAZVOJ (IFAD) ZA REALIZACIJU PROJEKTA „PROJEKAT RAZVOJA RURALNIH
PREDUZEĆA I POLJOPRIVREDE“ (RURAL ENTERPRISES AND AGRICULTURAL
DEVELOPMENT PROJECT - READP)**

Na osnovu člana 40. stav (5) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16) Parlament Federacije Bosne i Hercegovine je, na sjednici Predstavničkog doma održanoj 26.05.2021. godine i na sjednici Doma naroda održanoj 28.06.2021.godine, donio

ODLUKU

O PRIHVATANJU ZADUŽENJA PO SPORAZUMU O FINANSIRANJU IZMEĐU BOSNE I HERCEGOVINE I MEĐUNARODNOG FONDA ZA POLJOPRIVREDNI RAZVOJ (IFAD) ZA REALIZACIJU PROJEKTA „PROJEKAT RAZVOJA RURALNIH PREDUZEĆA I POLJOPRIVREDE“ (RURAL ENTERPRISES AND AGRICULTURAL DEVELOPMENT PROJECT - READP)

I.

Prihvata se zaduženje Federacije Bosne i Hercegovine (u daljem tekstu: Federacija), po Sporazumu o finansiranju (u daljem tekstu: Sporazum) između Bosne i Hercegovine i Međunarodnog fonda za poljoprivredni razvoj (u daljem tekstu: IFAD), u iznosu do 7.062.200,00 EUR od ukupno odobrenih sredstava za Bosnu i Hercegovinu koja iznose 11.787.000,00 EUR.

II.

Sredstva Sporazuma iz tačke I. ove Odluke koristit će se za finansiranje „Projekta razvoja ruralnih preduzeća i poljoprivrede“ (Rural Enterprises and Agricultural Development Project – READP, u daljem tekstu: Projekat).

Primarni cilj Projekta je dizajniran kao dugoročna intervencija, koja se implementira s pristupom podsektorskog razvoja kako bi se pružila podrška strukturalnim poboljšanjima, a koncentrira se na podsektore voća, povrća, ljekovitog i aromatičnog bilja i šumskih plodova, pčelarstva i proizvodnje meda, te u mljekarskom sektoru u kojima postoje najbolje prilike da se utječe na smanjenje ruralnog siromaštva i ekonomski rast.

III.

Sredstva Sporazuma iz tačke I. ove Odluke, odobravaju se Federaciji pod sljedećim uslovima:

- rok otplate (uključen grace period):.....18 godina,
- grace period:.....3 godine,
- kamatna stopa:.....0 %,
- troškovi servisiranja duga:.....0,75 %,
- dospijeća:.....polugodišnja,
- datumi plaćanja glavnice i kamata:.....15. februar i 15. august svake godine.

IV.

Potvrđuje se da je razmatrana dokumentacija prihvatljiva za Federaciju, a posebno:

- Sporazum o finansiranju projekta između Bosne i Hercegovine i IFAD-a;
- Nacrt Supsidijarnog sporazuma između BiH i Federacije BiH.

V.

U periodu implementacije Projekta, u budžetu Federacije BiH potrebno je osigurati dodatna finansijska sredstva za sufinansiranje Projekta u iznosu od 2.530.000,00 EUR.

VI.

Daje se saglasnost za zaključivanje Supsidijarnog sporazuma između Bosne i Hercegovine i Federacije BiH za sredstva iz tačke I. ove Odluke.

Za potpisivanje Supsidijarnog sporazuma ovlašćuje se federalni ministar finansija.

VII.

Za realizaciju ove Odluke i izvještavanje zadužuje se Federalno ministarstvo finansija i Jedinica za koordinaciju projekta (PCU), formirana pri Federalnom ministarstvu poljoprivrede, vodoprivrede i šumarstva, svako u okviru svoje nadležnosti.

VIII.

Implementacija Sporazuma iz tačke I. ove Odluke ne zahtijeva donošenje novih ili izmjenu postojećih zakona.

IX.

Ova Odluka stupa na snagu narednog dana od dana objavljivanja u "Službenim novinama Federacije BiH".

PF BIH, broj 01-02-939/21
Sarajevo, 28.06.2021.godine

PREDSJEDAVALJUĆI
DOMA NARODA
PARLAMENTA FEDERACIJE BIH

Tomislav Martinović

PREDSJEDAVALJUĆI
PREDSTAVNIČKOG DOMA
PARLAMENTA FEDERACIJE BIH

Mirsad Zaimović